

John Jeandor:

“Nos tin un Tele-Aruba cu aparentemente no ta di Aruba”

ORANJESTAD - Por bisa cu prácticamente e portanan di Tele-Aruba ta será pa e músiconan local cu kier pa nan video-clip pasa riba pantaya chiquito.

Esaki tambe tabata un tópicu cu a bini dilanti

durante e combersacion cu Bon Dia Aruba a tene cu John Jeandor, presidente di e asociacion di músiconan local ASOMA.

El a splica cu hopi músico no ta traha video-clip comoquiera cu e ta costa basta

placa y cu nan cancionnan mes nan no ta saca suficiente pa por traha un di e produccionnan aki pa television.

Jeandor a duna un ehempel cu e mes a pas'aden den pasado. El a yega di trece un video-clip di su ruman for di

Santo Domingo, y el a wordo bisá cu e produccion aki no por wordo pasá pasobra e no ta trahá na Aruba. “Pero si mi tabata mira video-clip di otro bandanan di afó. E ta muestra un poco straño cu un video-clip di un Arubiano, no paso-

bra e ta trahá den exterior, no por wordo pasá aki na Aruba.”

E situacion aki ta fastioso. Na opinion di Jeandor, **Tele-Aruba mester haya un maneho nobo y mester bini reglanan.** Ora cu ta trata di un jiu di tera, e mester tin e preferencia, e acceso na Tele-Aruba. “Si bo por pasa un UB-40, si por pasa un Wilfrido Vargas, etc., of cualkier banda internacional, di nos mester haya prioridad. Nos promé y despues otro,” e ta bisa.

“Nos tin un Tele-Aruba pero aparentemente e no ta di Aruba, Tele-Internacional (Extranhero),” e ta bisa.

E ta lamentá cu despues cu e músiconan ta haci hopi gasto pa realizá p.e. un video-clip, no ta haya e chens pa pasa nan. “Aki poco dia no tin nada mas di nos cultura,”